

I A P O N I N S V L A.

que auro intus nitet, ut stupeat spectator. Ante aulam pulcherrima planicie iussit theatrum erigi agendis comœdiis dicatum: utrinque vero nonnullo intervallo divulsas turres binas trium quatuorve contignationum. Ligneis plerique ob crebros terræmotus, quidam tamen ab imo lapideis utuntur ædibus, elegantia & arte visendis. Dixi supra, summum magistratum triumviris constare, penes quos est rerum in regno constituendarum summa potestas. Primus, qui Zazo dicitur, Pontificis instar, praest sacris. Secundus *Voo* dignitatibus & honoribus. Tertius *Cubacama* paci & bello. In quinque ordines divisa est gens omnis. Primus est eorum, qui honoribus munieribusque funguntur, qui rursum suis differunt gradibus. Hos *Tonos* vocant. Alter ordo eorum est, qui gentis illius procurant sacra, capite ac mento prorsus abrasi. Hi cœlibes sunt, in suas divisi sectas. Hi *Bonzii* appellantur. Tertius civium & reliquæ nobilitatis est. Quartus institutorum ac sellulariorum, ac opificum. Postremus agricolarum. Magistri religionis apud illos sunt *Bonzii*. Inter numina simpliciter adoranda, sunt *Amida* & *Xaca*. Habent & alia, quæ *Potoquos* vocant. Adorant etiam minorum

*Quinque
Iaponum
ordines.*

gentium deos, ut bonæ valetudinis, liberorum, pecunia, & eorum, quæ ad corpus pertinent, largitores, quos *Camis* vocant. Literis & sapientiæ sunt addictissimi, & veritatis indagatores acerrimi, ideoq; scholas suas & Academias habent, non minus, quam nos. *Bonzionum* schola est in oppido *Banoum*, in quo solenni ritu gradus tituluseque confertur à Præfecto studiorum. Est & inter alia seminarium Iesuitarum *Bungi*, in quo Iapones linguam Lusitanicam discunt, Europæ Iaponicam. Typis quoque in librorum impressione utuntur. In universum populus acumine, sagacitate, industria, memoria valet. Maledicta, furta, perjuria cane pejus & angue oderunt. Procula statura in laude est. Vives sunt & longævi satis. Ad annum usque sexagesimum militant. Barbam alunt modicam. In capillis disponendis non unus mos. Volsella depillant pueri sinciput, plebei ac rustici dimidium caput, nobiles totum ferè, paucis ad occipitum relicitis capillis, quos attigisse quempiam contumeliaz loco ducitur. Cibum capiunt genibus innixi, cruribus insidentes. Vigent hic Lusitanorum commercia, & Batavis aditus quoque nuper concessus.

